

4. *Crassula muscosa*.

C. herbacea, subadscendens, foliis oppositis, oblongo-ovatis, subtus convexiusculis, floribus triandris, trigynis, capsulis dispermis.

Tillaea muscosa. Willd. Spec. Plant. Linn. T. I. P. II. pag. 721. Bönninghaus. Prodr. Florae Monast. Westph. n. 169. Mertens et Koch Deutschl. Flora n. 522. Michel Nov. Plant. Gen. pag. 22. Tab. 20. Römer et Schultes Syst. Veget. 3. pag. 500.

Radix tenuis, fibrosa. Tota planta glabra, succulenta, non raro purpurascens. *Caulis* tenuis, filiformis, tetragonus, uncialis et sesquiuncialis, prostratus, vel adscendens, articulatus a basi ramosus. *Rami* oppositi. *Folia* opposita, sessilia, ovata, vel ex oblongo ovata, integerrima, subtus convexa: *inferiora* obtusa; *superiora* acutiuscula. *Flores* in omnibus axillis, brevissime pedunculati, solitarii, perexigui. *Calyx* tripartitus, rarius quadripartitus: *Laciniae* lanceolatis, mucronatis, purpurascentibus. *Corolla* tripetala, rarius tetrapetala, calyce dimidio brevior: *Petalis* ovatis, in mucronem setaceum attenuatis, albidis vel purpurascentibus. *Stamina* tria, rarius quatuor, vel quinque, cum petalis alternantia. *Filamenta* filiformia, petalis paullo breviora. *Antherae* subtundae. *Pistilla* tria, rarius quatuor vel quinque. *Squamae hypogyna* ad basin cujusvis germinis, filiformis, filamentis brevior. *Capsulae* oblongo-ovales, in medio parum contractae, dispermae, introrsum longitudinaliter dehiscentes.

Moosartiges Dickblatt.

In campis arenosis prope Coesfeld hinter der Klins in Monasteria (Bönninghausen). ☉. Fl. Majo, Jun.

Observ. A *Crassulae* genere nullo modo recedunt *Tillaeae* hic descriptae, nisi numero partium floris et fructus, in hoc genere valde variabili et in Systemate Vegetabilium ab ipso *Linneo* minoris momenti habito, quando in essentialibus partium floris et fructus inter se conveniant. Conveniunt autem cum *Crassula*: 1. *Calyce* monophyllo, plus minus profunde partito. 2. *Corolla*. 3. *Squamis hypogynis*. 4. *Capsulis* unilocularibus, introrsum dehis-

centibus. Si quis opponat, *Squamae hypogynae* in hisce *Tillaeis*, ad mentem *Schkuhrrii*, filamenta esse castrata, tunc idem valeret de *Crassula*. — *Tillaeae* enumeratae insuper variant, licet rarius, numero quinario partium floris et fructus.